



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 11. Concordia inter Scotiæ Viduam Reginam, & Pro-Regem.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI

A.C. 1551.

*occidendi consilium cepisse deprehenderetur
quamvis rem non persecisset, feloniae rei
declararetur. Cæterum hæc eadem lex,
quæ forte nunquam executioni fuit da-
ta, plus justo & quidem contra Ducem,
Regni Parem, regisque Avunculum ab
hisce Judicibus fuerat extensa; nam
non deerant, qui Somersetum Ducem
mortis reum esse Eduardo persuadebant,
quapropter securi percutiendus decer-
nitur, quæ tamen sententia non nisi vige-
sima secunda Januarii anno sequenti ef-
fectui data fuit.*

§. XI.

*Concordia inter Scotiæ Viduam Re-
ginam, & Pro-Regem.*Thuan. l. 8.
n. 7.

*Interea Scotiæ Regnum ob pacem ut-
rinque firmatam solida tranquillitate
fruebatur, atque ipsa etiam Maria Re-
gina Vidua, postquam integro anno in
Galliis hærens rebus suis, quantum va-
luit, ibidem prospexerat, rursus in pa-
triam suam revertebatur, universam
que Angliam prætervecta secum Hen-
ricum Clutinium de Oisello Franciæ O-
ratorem sibi percarum, ac alioquin
acris ingenii virum ducebatur, tandem
que appulsa, ac Proregem, qui cuili-
bet jus suum redditurus varias Regni Pro-
vincias peragrābat, secuta eum sollici-
tare*



tare cœpit, ut sese imperio abdicaret, **Sæcul. XVI.**
 idque, ut eo facilius illi persuaderet, **A.C. 1551.**
 eidem clam significari jussit, quod Re-
 gina jamjam adulta eum tandem ad red-
 dendas administrationis suæ rationes
 adigere statuisset: Ut igitur Prorex
 suam, suorumque securitatem tutam
 redderet, in has conditiones cum Re-
 gina convenit I. Regina caveat, ut ea,
 quæcunque e defuncti Regis bonis u-
 surpaverat, a Gallis ipsi condonentur.
 II. Eadem ipsum immunem a rationi-
 bus tutelæ reddendis præstaret. III. ab
 eo duntaxat juramentum exigeretur,
 quod ex redditibus illis, qui adhuc ex-
 stant, tantummodo reddat. Initio his-
 ce pactis Prorex viciissim Castrum - Eral-
 di in Piætavia Ducis titulo donatus est,
 adjecta duodecim millium librarium pen-
 sione. Præterea huic foederi ista adhuc
 addebatur conditi^v vi cuius, si Regina
 sine liberis decederet, ipse proximus hæ-
 res decerneretur. Porro haec pacta post-
 modum in Galliis confirmabant juvenis
 Regina, ejusque Curatores, qui erant
 Henricus Rex, Guisæ Dux, & Car-
 dinalis Lotharingius ejusdem frater,
 quos Regina e Matris suæ sententia ad
 id nominaverat.

Nihilominus Jacobus Hamilton A-
 raniæ Comes, ac Scotiæ Prorex cum

Q 4

ad-

Sæc. XVI. administrationis suæ finem instare cer-
A.C. 1551. neret, ad solitam animi sui inconstan-
tiam relabebatur; cum enim confide-
raret, quam periculose esset, si a su-
prema auctoritate, in qua suis vexatio-
nibus plurimorum invidiam sibi accer-
ferat, ad vitam privatam redigeretur,
ac multorum injuriis, necnon ob illata
damna justæ eorum vindictæ exponere-
tur, hinc modo ad differendam pro-
missi sui executionem obtentus quærere,
morasque nectere, modo palam etiam
profiteri cœperat, quod regni admini-
strationem dimittere nollet, cum Regi-
na nondum duodecimum ætatis suæ an-
num explevisset. Insuper Prorex, ne
datae fidei staret, vehementer urgeba-
tur ab Archiepiscopo Sancto Andreano,
spurio suo fratre, qui Proregem pro
suo arbitrio moderabatur, nulloq[ue] pa-
cto permittebat, ut is se se dignitate sua
abdicaret: quapropter elusis Gallorum
sollicitationibus, atque insuperhabit[us]
comminationibus, quibus pensionis nu-
per eidem in Franciæ Regno constitutæ
jactura intentabatur, Prorex tanta vi,
ac pertinacia suo instituit proposito, ut
Regina Vidua Sterlinum secederet, ac
Proregem ferme solum relinqueret,
quod sane manifestum erat inditum,
omnium animos ab eo esse alienos:

quo-

quocirca & ipse paulo post ultro con-
ditiones acceptare compellebatur.

Sæc. XVI.
A.C. 1551.

§. XII.

*Camajanus pro exploranda Cæsaris
mente a Papa ablegatus.*

Hæc dum interim gerebantur , sum- *Pallav. l. 13.*
imus Pontifex bellum pertæsus Ve-*c. I. n. 7.*
rallum Cardinalem tanquam Sedis A-
postolicæ Legatum in Franciam decre-
vit , ut Pontificem inter , & Henricum
II. Regem dissidia circa Parmensem
Ducatum componeret. Legato igitur
in Gallias abeunte interea Papa Car-
pium Cardinalem pariter Legatum ad
Cæsarem misit , ut illum de consiliis
cum Henrico II. agitandis certiorem
redderet ; ad omnem autem sinistræ
suspicionis ansam Carolo V. præripien-
dam , jam antea Camajanum suum
Nuntium præmiserat , ut mandata Ve-
rallo data Cæsari exhiberet , notum-
que ficeret , quod huic eidem Legato
a Papa disertis verbis injunctum fuisset ,
ut nullum omnino concordiæ pactum
acceptaret , nisi prius Octavius Farne-
sius Parmensis Ducatus possessionem
abdicasset. Insuper Camajano præci-
piebatur , ut Cæsari hujus Legationis
caussam exponeret , eique significaret ,
quod illa unice ideo fuisset decreta , ut
Pontifex paternum suum affectum Regi

Q 5 testa-